

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.11.2017թ. թիվ 1707121813 և 1707120872 որոշումներն անփոփոխ, իսկ վարչական բողոքն առանց բավարարման թողնելու մասին

<< 12 >> 01 2018թ. 17-4-24177-17/174-37

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Օնիկ Գևորգյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ն.Տիգրանյան փողոցի 19/1 շենքի 36-րդ բնակարանի բնակիչ Ալեքսան Զանջոյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 16.11.2017թ. թիվ 1707121813 և 1707120872 որոշումները՝ նշելով, որ վթարային իրավիճակ չի ստեղծվել իր կողմից:

Դիմումի քննարկման և տեղանքի լրացուցիչ ուսումնասիրման արդյունքում պարզվել է, որ ճանապարհային ոստիկանության վարչական տույժ նշանակելու մասին 16.11.2017թ. թիվ 1707121813 որոշումն օրինական է և հիմնավոր, քանի որ Երևան քաղաքի Արցախ – Արին Բերդ փողոցների խաչմերուկի հատվածը կահավորված է 5.15.1՝ «Երթևեկության ուղղությունները գոտիներով» ճանապարհային նշանով, իսկ դիմումատուին 03.11.2017թ-ին ժամը՝ 14:58-ին նշված վայրում միայն աջ թույլատրող երթևեկության գոտուց երթևեկել է ձախ, հետևաբար թույլ տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ինչ վերաբերվում է վարչական տույժ նշանակելու մասին 16.11.2017թ թիվ 1707120872 որոշմանը, ապա ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 60-րդ կետի համաձայն՝ եթե երթևեկելի մասը գծանշմամբ բաժանված է գոտիների, ապա տրանսպորտային միջոցների երթևեկությունը պետք է իրականացվի նշված գոտիներով: Վարչական իրավախախտումների մասին ՀՀ օրենսգրքի 124-րդ հոդվածի 35-րդ մասի համաձայն՝ «Հոժ գիծ» (այդ թվում՝ «Կանգ-գիծ») գծանշման պահանջները չկատարելու համար սույն հոդվածի 1-ին մասով նախատեսված վարչական իրավախախտումն ունի նվազ նշանակություն այն դեպքում, երբ տրանսպորտային միջոցի առջևի կամ կողային երկու անիվներն ամբողջությամբ չեն հատել գծանշումը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վրանգ չի ստեղծվել, ինչպես նաև այն դեպքում, երբ իրավախախտումն անխուսափելիորեն կատարվել է երթևեկության այլ մասնակցի գործողության կամ անգործության պատճառով:

Ճանապարհային ոստիկանության վարչական տույժ նշանակելու մասին 16.11.2017թ թիվ 1707120872 որոշմամբ արձանագրված իրավախախտումն ամրագրած տեսանյութը հստակ ապացուցում է դիմումատուի կողմից 03.11.2017թ. ժամը՝ 12:58-ին Երևան քաղաքի Մյասնիկյան – Գայի - Մալյան փողոցների խաչմերուկի հատվածում 1.1 հոժ գիծ գծանշումը հատելու փաստը:

Նշված իրավախախտման համար պատասխանատվություն է նախատեսված Վարչական իրավախախտումների մասին ՀՀ օրենսգրքի 124-րդ հոդվածի 2-րդ մասով, ուստի վարչական տույժ նշանակելու մասին որոշումն իրավաչափ է և այն վերանայելու համար հիմքեր չկան:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.11.2017թ. թիվ 1707121813 և 1707120872 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Օնիկ Գևորգյանին և ՃՈ ՏՄՀԽԱ կենտրոն:



Ե. Կարապետյան